

Dissertatio inauguralis medica de haemorrhagia narium / [Gottfried Erdmann Kau].

Contributors

Kau, Gottfried Erdmann, 1683-
Wedel, Georg Wolfgang, 1645-1721.
Universität Jena.

Publication/Creation

Jenae : Litteris Krebsianis, [1710]

Persistent URL

<https://wellcomecollection.org/works/cc3uaye7>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

coll. ad IV/XVIII/1723 Lit. C. T. 874.2
Q. D. B. V.
DISSERTATIO INAUGVRALIS MEDICA
DE

HÆMORRHAGIA NARIVM,

RECTORE MAGNIFICENTISSIMO,
SERENISSIMO PRINCIPE AC DOMINO,
D O M I N O

GVILIELMO HENRICO,

DVCE SAXONIÆ, IVLIACI, CLIVIÆ, MONTIVM,
ANGARIÆ ET WESTPHALIÆ, & reliqua,

SVB PRÆSIDIO

GEORGII WOLFFGANGI WEDELII,

HEREDITARII in Schwarza/

MEDICINÆ DOCTORIS, COMITIS PALATINI CÆSAREI,

SERENISSIMORVM SAXONIÆ DVCVM CONSILIARII

ET ARCHIATRI,

THEORETICES PROFESSORIS PVBLICI ORDINARII,

*Patroni, Præceptoris ac Promotoris sui summo observantiæ
cultu acatem prosequendi,*

PRO LICENTIA

Summos in Arte Medica Honores, Insignia ac PRIVILEGIA DOCTO-

RALIA, MORE MAIORVM, rite capeffendi,

publicæ disquisitioni submissa

A

GODOFREDO ERDMANNO KAU,

BREGA-SILESIO,

IN AVDITORIO MAIORI,

Horis ante - & pomeridianis consuetis,

A. D. Decembr. A. C. MDCCX.

IE NÆ, Litteris KREBSIANIS.

INCLYTÆ REIPUBLICÆ BREGENSIS
PATRIBVS CONSCRIPTIS,
IMMORTALIBVS MERITIS VIRIS,

Magnifico,

*Prænobilissimis, maxime Strenuis,
Amplissimis, Consultissimis ac Pru-
dentissimis,*

DN. CONSVLI,
DN. SENATORIBVS,

Cunctis

ORDINIS SENATORII

MEMBRIS GRAVISSIMIS atque SPECTATISSIMIS,
DOMINIS, PATRONIS AC MÆCENATIBVS SVIS
OMNI VENERATIONIS ET OBSEQVII CVLTV

QVENDIS,

C INAUGVRALEM

*feram, cum perpetui
one*

nisse consecrat

GODOFR. ERDM. KAU.

K. u. k. Militär-ärztliche Bibliothek

Standort	Zimmer		Katalog	Abth.	
	Kasten			Gruppe	
	L. Nr.			Nr.	



I. N. I.

PROGEMIVM.



Preciosissimus corporis humani thesaurus est sanguis, a primo momento, velut elementum hominis futuri puncto saliente conspicuus, vt cum corde diuisas quasi operas habens & vitam signet, & mortem suo vtriusque motu.

In sanguine vita est, & ex sanguine, quia luculæ vitalis fons & propago est, per quatuor principalia fluenta, & ad pulmones, velut in subsidium propulsio- nis, & ad vniuersi corporis ambitum perpetuo fluens & circulatus.

Vndulat nimirum, durante vita & valetudine, perpetuo, & nectare viuifico suo vegetat omnes & singulas corporis partes, artificiosissima machina rotatus, neque, nisi vel robore naturæ, instar pretiosissimæ, sed pro seruanda vitæ incolumitate, mercis foras missus, vel inuita eadem, dimittitur.

Hoc vero si fiat, inuita & nolente, sed velut co- acta, velut transfuga quidam, si deserat suos alueos &

usum genuinum summum, quo mactat partes omnes, præsto est noxa, & damnum sæpe irreparabile, morbi & mors ipsa.

Exemplo huius sit e pluribus vel vna HÆMORRHAGIA NARIVM, levis & simplex visa, primo intuitu, sed in recessu fallax sæpe & periculosa quam maxime. De hac, iussu & auctoritate Facultatis gratiosæ, dum tractare aggredimur, Deum O. M. rogamus, vt feliciter omnia cedant & eueniant!

CAPVT I.

De

Hæmorrhagiæ narium definitione Nominali & reali.

INTER NOMINA illa sunt præcipua & aptiora, quæ statim velut sua sunt, & primo elogio, quid notent, præ se ferunt, sine inuolucro quodam. Tale præ aliis est hæmorrhagiæ nomen, quæ Græca origine, vsu recepta Latina, notat appositissime eruptionem sanguinis, dicta *ἡμὸς τῆς αἵματος*, a sanguine, & *ῥήγνυμι*, erumpo, a frangendo vel findendo, vt sic egregia metaphora innuat, sicut, aggere diruto, aqua contineri amplius nescit, ita, in alio fluidorum genere, hoc loco sanguinem erumpere, vnde & *ῥάγχα*, vis, impetus, *ὄγκος*, dicta est.

Coincidit hac in parte & alia cum eadem vox *ἡμorrhόις*, *hæmorrhœis*, *hæmorrhoides*, quæ & apud Philosophum pro hæ-

mor-

morrhagia sumitur, & aliquando etiam apud medicos, imo ipsissima in effectum est, nisi quod ἀπὸ τῆς ῥέειν a fluendo potius dicta est; sed vsu recepto specialius de hæmorrhagia venarum ani accipi consuevit.

Elegans observatio est *Galenii* ipsius, hinc & *Dureti*, & aliorum, esse id nomen, apud *Hippocratem* imprimis, καὶ ἐξοχλὸν accommodatum profluvio narium. Nam cetera sanguinis profluvia, tum vnde manant, & qua feruntur, tum etiam definitorum temporum nominibus explicantur. Huiusmodi sunt τὰ γυναικεία, τὰ καταμήνια, τὰ λόγια, δυσεντερία, αἱμοπύσεις, ἔρῃσις αἱματώδης, muliebria, menstrua, lochia, dysenteria, sputa cruenta, mictus cruentus, & alia. Adeoque latius alias, & tanquam genus omnium aliarum, specialius & indefinite posita hæmorrhagia, narium cruentationem strictius notat. Et quando de aliis prædicatur, id cum addito loco seu subiecto fit, vti *Dioscorides* l. 4. c. 43. αἱμορραγίαν τὴν ἐκ μύτης, hæmorrhagiam vteri sic exprimit.

Seorsim vero hoc nomen subit strictissime hæmorrhagia narium, non minus ac aliæ, cum adiecto immodica, symptoma excretorum toto genere præter naturam, vt vocat *Galenus*, solo excepto sanguine menstruo, vel talis futura.

DEFINIRI potest excretio sanguinis per nares præternaturalis, ab extravasatione eiusdem vndecunque inducta.

GENVS, seu ratio formalis, quæ vniuersam notionem hæmorrhagiarum absoluit, est excretio. Vtut enim aliis quoque nominibus satis exprimentibus affectum gaudeat, hoc tamen aliis omnibus contra videtur principale ac præcipuum, ἐμφατικώτατον, & vsu receptissimum.

Siue enim fluxum, seu effluxum sanguinis dicamus, seu profluvium, profusionem, effusionem, seu sanguinis ex naribus cursum, vt *Celso*, seu, vt *Scribonio Largo* audit, eruptionem san-

guinis e naribus, quando sanguis se erumpit ibidem, seu quocunque alio id efferamus Synonymo, neutrum tamen assequitur excretionis ἐξοχλῶ seu denominationem.

Enimuero effusiones, & fluenta reliqua liquidorum, si cum hac excretionem comparentur, fere passive se habent, & ut vnda vndam pellit, ita pressione & ductu naturali in alueis, vel extra illos feruntur. In animalium vero genere, & maxime hominum, quibus fere vnice hæmorrhagia narium propria est, id nominis non solum motum, sed cum motu sensum quempiam notat & importat.

Est hinc, sub archei præsidio vitali, non tam motus pure naturalis est, sed suo sensu & vitalis & animalis, singulis sibi velificantibus in corpore viuo, siquidem nec sanguis in cadaueribus fluere simili amplius gaudet, vnde in illis non æque excerni dicitur, si vel maxime fluere illum contingat.

DIFFERENTIAM SPECIFICAM largitur tum materiale fluidum, tum locus exeundi, seu scaturigo, tum modus exeundi ipse.

Materiale, quod excernitur, est sanguis, & quidem sibi relictus, floridus, recens, purpureus, quamuis etiam in via concrefcere nonnunquam visatur, fluidum illud mobile, quod in sinu suo purpureo cuiusuis animantis animam fouet, referente Sacro Codice, *Leuit. 17. v. 11. 13. 14. Deuter. 12. v. 23.*

Locus ipse idem determinat satis, seorsim considerandus. Sin modum excretionis spectemus, non tam exeundi absolute hic considerationi subiicitur, quatenus successiue stillat, guttatim, instar gutturnii non rite clausi, nec integre aperti, sed quoad medium terminum, cum omnibus aliis excretorum generibus communem, ultra Ἐφορίαν. Hinc vno verbo id notauimus præternaturam.

Enim-

Enimvero, vt alias in quibusdam actibus seu actionibus, exemplo somni, seu qualitatibus, imo etiam in excretorum genere, distinctio percommoda & necessaria est in foro medico in *naturalem*, *nonnaturalem* & *praternaturalem*: ita & hoc ipsum de hæmorrhagia valet, & ad illam applicari meretur.

Liceat hinc de illa quoque eadem argutari. Hæmorrhagia narium *naturalis* dici potest non quidem *absolute* & *pure* ac ordinarie talis, quale quid de mensibus in foeminis verum est, æque naturalibus suo loco ac tempore, ac aliæ excretiones quævis: attamen analogice, secundum quid, vel quasi talis. Quæcunque nempe excretio vt alia, ita hæc quoque, fit natura aurigante, & bene agente, cum iuuamine, liberatura sese, & actu hoc ipso se liberante, illa merito naturalis, laudato modo, habenda est, nec curatione eget.

Perinde vero est, vtrum semel iterumque saltem hoc eueniat, an velut naturalem in modum, ad instar mensium, etiam hoc tentet & exequatur archeus, certo & statuto tempore, generali, vel speciali magis. Exemplo sint hæmorrhoides, plane ad hanc regulam & normam iudicandæ.

Idem dicendum est de hæmorrhagia narium critica, eaque salutari, ita ab euentu dicta, cum febris cessatione omnimoda, eaque fida & constanti. Hæc ipsa, & aliæ huius comitis omnino pro naturalibus, saltem secundi generis, habendæ sunt. Et hæ ipsæ minus sunt huius loci, sed sui iuris & prærogatiuæ, vel exemptionis, non indicantes curam, præterquam extraordinarie, si quidem ab æquatore suo desciscant, vel declinent, adeoque alio statu aliam tractationem desiderent.

Sic & nonnaturales sunt & dici merentur, quæ non iuant quidem, vt naturales illæ, neque lædunt tamen, vt præter-

ternaturales, sed medio modo se habent, & prodesse, & nocere valentes. Adde quæ & a causa aliqua nonnaturali contingunt, communi illa, quo de insequentibus agemus.

Notabile tamen est, utrasque hasce ad præternaturales deuiare posse, & medica ope hinc indigas reddi, seu quæ lædunt, & proprie hinc huius sunt loci, easque illustrant & confirmant magis. Neque tamen prius in censum hunc veniunt, quam hoc caractere morbofo insignitæ, a naturali, a nonnaturali ad præternaturalem gradum progressæ, & progredi aptæ. Id vero vel vno verbo definiendum est, laudato, immodicæ, ἀμέτρητος tales, vel sola quantitate.


Non abeunt ab his, sed confirmant eadem potius, qui in antecessum quasi hæmorrhagiam dirimunt in criticam, quæ iuuat, symptomaticam, quæ lædit, & mediam, quæ utrumque præstare potest, pro modulo circumstantiarum, aliorumque concurrentium.

Tacemus, circa modum excernendi alia quoque concurrere attendenda, quæ ad sequentia potius differimus. Ad analogiam vero hanc naturalem plura alia exempla referri queunt, non solum in sequiori sexu, vbi menses diuersa excernicula sortita leguntur, & inter hæc per narium quoque hæmorrhagiam; sed & in aliis.

Confirmant dicta, tum rationes, tum experientia, duo fulcra omnis asserti medici, tum ipsa autoritas, si illam velimus attendere. Vnus sufficiat *Felix Platerus T. 3. prax. l. 2. c. 5. p. 610.* vbi, hæmorrhagia narium, inquit, cum consueta quibusdam & naturalis sit, tunc primum præternaturalis fit, si immoderate tantaque copia sanguis profundatur, ut vires labascant, vel etiam penitus cum vita extinguantur.

CAPVT II.

*De
Subiecto.*

 El ex ipsa nominis notione, intimius perpenſa, **SUB-**
IECTI, ad quod iam progredimur ordine, clarere
& peti poteſt ratio. Si vllibi locum habent recepti
& vſitati termini circa ſubiectum occurrentes, liceat & hic
iisdem exprimere partem affectam curatius.

Subiectum inprimis gemino intuitu luſtrandum. **VT**
QVOD, ſeu denominationis, eſt ſanguis, in latitudine ſua
generalis acceptus: de hoc enim prædicatur, quod fluat, pri-
mum fluidum vitale, præcipuum morbi, ſeu affectus huius.

Subiectum vero **VT QVO** liceat vocare hoc loco inhæ-
ſionis, ſeu vbi & vnde fluat, idque tum **PRINCIPALE**, tum
ADÆQVATVM. Illud, quod primario ſuſtinet hæmorrhagiam,
& reſpectiue patitur, cum vulgo quidem recte assignari vi-
detur eſſe nares; ſed medicus & hic vltra illud ſapere debet.
Illud ipſum ergo fuerit, vbi inhærere debebat ſanguis, & coer-
ceri potius, non exundare, vel exire, ſeu, verbo delecto, ex-
trauafari.

Cum enim, more omnium & proprio fluidorum, ſanguis
quoque in corpore humano alienis ſaltim gaudeat terminis,
iisque contineatur in ſtatu naturali, hi aluei, tubuli, canales,
cavitates, circumſcripti, ſeu parietes, aggeres & remora na-
turales, ſine dubio conſtituunt ſubiectum, **VT QVO**.

Hoc vt rectius nouerimus, integrum & conſultum fue-
rit, luſtrare paulo naſi, ſeu partis affectæ confinia, & mecha-
nicam. Quemadmodum ex promontoriis ſcaturiunt fluen-
B
ta,

ta: ita nasus quoque velut promontorium tale supremi apicis constituit.

Nec absolum erit addere, nasum esse duplicem, idque genuino sensu (1.) *externum*, obuium & complexum tum aditum, tum exitum, ingressum & egressum. Et illum enim adæquatum esse subiectum hæmorrhagiæ vel exinde efficitur, quod iniuriis aeris, iniuriis externis aliis obnoxius est, vnde inferri potest facile, & toto die solet. (2.) *internum*, cavitatibus vacuis & patulis perpetuo conspicuum, septo intermedio cartilagineo in duas partes diuisum.

Neque de nihilo est hæc attingere, siquidem & ipse nasus extimus cartilagineum habet diuisam, & diuisione hac seipimenti habita addendum consequitur, modo dextram narem hæmorrhagia laborare, modo sinistram, idque sæpe constanter, alterutram, modo vtramque simul, sine hoc discrimine. Internus exitum sanguini fluenti ministrat & viam.

Adde, quod & sursum exporrigatur ad os cribrosum, quod & lympham & sanguinem dimittere posse vel sua mechanica foraminulenta, vnde nomen indeptum est, satis euincit; & ad latus septentrionale quasi, ad palati fornicem. Et hinc patet, quare non raro simul hæmorrhagia præsentem, & ad os ipsum sanguis deuiet, & præsertim obturatione interius facta, non centrali vel radicali.

Cum ergo sinus hi ipsi, narium puta, ceteroqui nil conferant quam egressum, dispiciendum venit, de scaturigine principali, hoc enim est *κενόμελον*, vel *ζητέμελον*, res quaestionis principalis. Optimum, mechanicæ seu naturæ rei vniue ac causis dicendis conueniens, est, si dixerimus, fieri id quoad oscula, quoad poros, quoad membranam. Per oscula intelligimus vasorum capillamenta, per membranas parietem defensorem integrum, per poros minutissima interstitia, singula dilatabilia.

Vasa

Vasa vero cum sint duplicia sanguifera, venosa & arteriosa, lymphatica enim minus in censum hoc casu veniunt, disquiri solet, quænam sint subiectum principale, si inuicem comparentur, an venæ, an arteriæ. Plerique arteriis primatum deferunt, quod hæ, vi circulationis, seu motus, etiam *Cœo* dudum κυκλωδὲς, *circularis*, vocati, sanguinem ex corde, virtute antliæ pressoriæ vitalis, afferant.

Accedit, quod stillicidium fluentis sanguinis e naribus videatur æmulari quasi pulsantis arteriæ micationem: vt aliæ, quæ pro hac sententia afferri possunt, non laudemus. Ast præstat non vni huic soli vasorum generi hanc demandare, vel assignare prouinciã.

Reuera enim ἀνατόμωσις, seu osculorum illa apertio, communis est, non singularis seu propria vnis solis arteriis. Idem dictum esto consequenter de extrauafatione, generali non minus nomine ac communi vtrisque, arteriis & venis.

Adde ἀνάρροπον ad superius clima, seu capitis sphæram, vel ρευματισμῶ solo concepto, vt in doloribus, hemicrania, seorsim in inflammationibus, vt phrenitide, per arterias sanguinem, vel συναθροισμῶ quoque, paulatina collectione & stagnatione eiusdem, non posse per arterias κατὰρροπον fieri, sed æque per venas eandem ludi oportere fabulam; verbo, diuisum esse imperium distribuentium sanguinem vasorum.

Vti ergo per arteriæ carotidis internæ propagines, quando plus affluit, quam per venas refluere potest, sanguis in nares deponitur, & exitum inuenit, non vno modo; ita hæmorrhagiæ etiam contumaces, hoc loco per nares, vt alibi per pulmones, anum, vterum, non solum fiunt per arterias, sed & vicinos venarum apices. Vid. *Rolsincius Dissertat. anat. l. 6. c. 58. & 56.* Extraordinarie etiam a *Platero in Pr. med. l.*

c. p. 610. Spontanea exilis venulæ in apice nasi apertura observata est in commilitone suo, per quam copiosissime sanguis effluxit.

SVBIECTVM ADEQVATVM PROXIMIVS constituit cerebrum, siquidem eius ministerio velificatur præ aliis totum hoc promontorium nasi, cuius velut spiraculum speciale est, ut pulmo cordis.

Hic vero illud potissimum delibandum venit, utrum ex sinu aliis hodie primo dicto, aliis tertio, mediastino, cerebri, per longitudinem decurrente, eiusque velut æquatore hæmorrhagia narium fieri possit.

In genere enim cerebrum sæpenumero depleri, & critice quoque leuari per hanc *ἐκρῖσις*, in læsionibus ac contusionibus quoque ipsis ex naribus non modo, sed & ex auribus aliquando sanguinem profundi, certum est; sed speciatim per hunc ductum fundi sanguinem, sunt qui negant, sunt qui affirmant.

Ex prioris generis numero cum primis est *Schneiderus*, qui *Tr. de ossæ cribriformi*, p. 411. & seq. plures quidem auctores idem affirmantes allegat, at negatiuam strenue tuetur, illo potissimum argumento, quod processus ille falcatus circa cristam galli saltim ligamenti vicem obeat. Neque alii abludunt, quod eodem argumento callosa sinus huius falciformis super os cribrosum sit insertio, adeoque minus videatur effusio hinc sanguinis possibilis.

Sin eiusdem laterales ductus vrgeas, per quos facilius tranare possit sanguis, obstare observantur sepimenta, a crassa meninge oriunda, ipsaque processuum papillarum substantia; quo de vid. *Rolfincius l. c.*

Sed laudata osculorum, pororum, membranarum fundamenta inconcussa videntur & ad hanc adaptionem

& reſerationem, ſaltim præternaturaliter, & extraordinarie, maxime, cum ſinuum illorum ſubſtantia, uſus, commercium cum vasis circulantibus, minus videantur, citra omne dubium, explorata.

Hinc ſi autoritatem in contrarium repetamus, concedit, præter laudatos illos, id *Tb. Bartholinus l. 3. Anat. c. 2.* Tertius, ſcribit, longiſſimus ſinus, per capitis longitudinem pergit ad ſummas nares. Atque his ſinubus, (cauitatibus, ſanguiductibus) dehiſcentibus aliquando immenſa copia ſanguinis per nares fluit, quæ per arterias ſuppeditatur. Confirmat idem *Simon Pauli* experimento inferius laudando, ne alios in vtramque partem citemus.

Nobis itaque ſuffecerit, non ſolum membranam narium laudatam quam plurimis arteriarum & venarum ſubtiliſſimis circinationibus pollere, ſed etiam idem valere de ſuperiori contignatione, ſymbolica vtriuſque vaſorum generis harmonia in extrauafationibus etiam hiſce. Viſitur id alias elegantiffime & ad oculum in craniis ſuſpenſorum in meningibus; idemque valet in lateralibus ſinuum, nondum ſufficienter, vt diximus, exploratorum ramificationibus, etiam verſus anticas has partes, & ſinus narium dimittendo, ſaltim præternaturaliter, ſanguine.

SUBIECTVM ADEQVATVM REMOTIVS ſtatui poteſt totum corpus, ſeu maſſa ſanguinea, cuiusque circulus, partim indefinitus, vniuerſalis ille, partim definitus modificatus, directus & lateralis. Dextra enim dextris etiam hic conſentire videmus, vt notatum fuit v. g. hepate affecto magis e dextra nare, liene, magis e ſiniſtra effluere & ſtillare ſanguinem.

Atque ex his efficitur, etiam nares, tanquam partem affectam præcipuam, in hæmorrhagia laborare modo *per eſſentiam*, propria & domeſtica labe, citra fouentes partes alias, cerebrum, hepar, vterum, & reliquas; modo *per*

consensum harummet, focum commodantium loco affecto huic, pro singularum modulo non vno, seu hepate, seu liene, seu vtero, mesenterio & hæmorrhoidibus ipsis velificantibus, & huc amendantibus ἀναρροῖαν.

CAPVT III.

De

Causis.



T plura hæmorrhagia narium cum aliis sanguinis excretionibus habet communia; ita & præcipue CAUSAM. PROXIMA & IMMEDIATA hæc est extrauasio sanguinis, siue illa culpa fluidi, suis carceribus vndulantis & circulati, siue solidi, murum, parietem & sepimentum largientis, contingat.

Cumque hæc non nisi vna sit in radice, modi quidem diuersi assignantur a medicis, in effectu tamen non nisi vna hæc est inde resultans, extrauasio scilicet. Rectius vero & clarius, imo & distinctius concipere illam possumus, si expressiones ordinarias, quibus hæc illustrantur & explicantur, laudemus.

Assignauit hæc passim *Galenus*, in primis autem velut in sede *l. 5. M. M. c. 2. l. de differ. Sympt. c. vlt. l. 4. de loc. aff. c. 5.* & alibi, quæ commodius ita ordine concipi & locari queunt: *Ἀσπιδιτις, ἀνατόμωσις, & Ἀλγίσις*, quæque separatim expendi merentur, vt coniunctim intimius noscantur in vna extrauasatione.

Addi potest & hoc, ἀνατόμωσιν non raro accipi latius pro omni extrauasatione, etiam reliquis nominibus expressa; strictius vero pro distincta a ceteris duobus modis. *Quin.*
&

& prædicari magis fere de interna extrauafatione, vt *Ἀραίσεως* de externa, & violenta magis. Tacemus, dari etiam *ἀναστόμωσιν* aliam naturalem, qualis est in mensibus ac hæmorrhoidibus; aliam præternaturalem, quæ huius est loci. Nec illud omittendum, esse sibi singulas affines, & vnā in aliam transire posse.

Hinc, non obstante, quod quidam negare sustinuerunt & *ἀναστόμωσιν*, & *Ἀεμιδῆσιν*, præeunte *Asclepiade*, sola *διαρρέσει* contenti, ordine procedendo illas videbimus. Sane *διαμίδησιν* nomen antiquissimum est, siue *persultationem*, seu potius *transcolationem*, vel *transsudationem*, quæ receptior magis est interpretatio, vertamus.

Meminit huius *Hippocrates*, & explicat eleganti mechanica, corii oleo imbibiti, eiusque hinc pressione; quæ vox & alteri applicari potest, quando liquores congeneres per filtrum chartaceum sensim sensimque tranant, & guttatim hinc stillant, quæ mechanica accommodatissima est hæmorrhagiæ narium.

Non minus elegans alia est mechanica *Philosophi*, qui alio symbolico utitur vocabulo *διαμίδειν*, scaturitionis & transsudationis, (quamvis alia occasione, & materia, quam hæmorrhagiæ,) transsudare innuens non aliter, quam aqua per fictiles ollas, crudas adhuc & nondum incrustatas. Idem valet & de salibus solutis in aqua, uti flores nitri hoc pacto parat *Mynsichtus*.

Hæc ipsa itaque mechanica fit in naribus, ut alias ordinarie, quoad secretionem lymphæ, sensim atque sensim per membranam delicatam, cedentis in mucum, appulsu aeris; ita hic per eundem vasorum ratiorem textum, stillicidium sanguinis; vno verbo per poros.

Sed optime evidens superest alia quoque mechanica.

Quis

Quis nescit, mercurium viuum, mobile sed graue & fluidum corpus, itidem per corium exprimi, nulla facta διαρῆσις; Cur non idem fieri queat in floridiori sanguine, accedente calore, & ὥσει, seu pulsione, quæ eadem est cum pressione.

Non opus est, vt hæc exemplis pluribus, & vel ipsius sudoris cruenti explicemus vltius. Satis sit, διαπῆδῃσιν hanc veterum fundatam esse in re, quicquid in contrarium afferant alii: fundatam in gradu, qui primus quasi est, vt ἀναστόμωσις secundus, Ἀγρίπεισις tertius, ne fluxus hepatici, & aliorum meminerimus.

Ἀναστόμωσις vero specialis velut secundum gradum constituit, reclusis extremitatibus vasorum, seu extrimis filamentis & capillamentis, tubulorum osculorumque: quando velut cuniculos agit sanguis, & per eadem dilatata exitum affectat, capeffitque, ita vt non tam regrediatur per arterias adductus in capillamenta exinanita venularum, sed ibidem apertione facta, diductione & dilatatione data excernatur.

Habeant & hic sibi suas opiniones, qui compactam & densam vasculorum seu parietum substantiam obstare scribunt, poris magis patulis, facile concipiendis: vt in mensium fluxu naturali ordinarie in vterinis vasis, ita hoc loco in membrana ἀρχαῖαδαι narium; vt in varicibus diducta membrana cutis, longe densioris, in pedibus vel manibus grauidarum, & aliorum subiectorum scorbuticorum, ita longe magis in partibus vndecunque debilioribus.

Sed διαρῆσις, diuīsiō, dirutis parietibus & membranis, seu contusione, violento casu & læsione quacunque, seu ræsione, quam διαβρωσις nominant, ne reliquas solutæ vnitatis species adducamus, quæ omnes & singulæ ad διαρῆσιν referri possunt, vt non opus sit, entia multiplicare, & plura assignare vel referre. Hinc quæ apud Celsum, aliosue nomina alia occurrunt, his cum componi & conciliari facile queunt.

His

His ita sic satis clare habentibus, & mechanicæ maxime conformibus, visenda est CAUSA MEDIATA PROXIMIOR. Instar omnium & principaliter illam exhibet & præstat *Sanguis* ipse, tanquam humor vitalis contentus: adæquate & secundario *continentium partium concursus*. Per mechanicam enim tum ipsa fluenta modo aggeres diruunt, & sic murum superant; modo his non satis firmis exitus acceleratur, vt remorari & continere eadem amplius non fustineant.

Subeunt culpam hanc humores, seu sanguis, peccans *quantitate, qualitate & motu*, quæ singula extrauersionem causare apta nata sunt, vt omnem aliam, ita quoque hæmorrhagiam huius. In *quantitate* si excedat sanguis, & onerosus redditur archeo, seu plethora inuitat ad depletionem, vt mirandum sit, negatam fuisse illam ab *Helmontio*. Hinc toto die leuamen inde sentiunt, non minus ac ab hæmorrhagiæ speciebus aliis, plethorici.

Facit huc plethora, vt ita loquamur, vniuersalis, in sanguineis, & particularis, vt alias per vterum, per hæmorrhoides excretionem facta, sanguine congesto alicubi largius. Idem dictum esto, (quod applicari commodè huc potest,) de plethora quoad *vasa*, quæ prioris respectiue est generis, & quoad *poros*, quæ posterioris. Turgidiora vasa ad profluuium magis prona, vt aluei turgidi aggeres & litrus supergrediuntur facile. Idem dictum esto de poris, posita enim & ibi onerositate, premuntur facile, & pressi dilatantur, dilatati dimittunt contentum & hoc loco sanguinem.

Confert vero non minus sanguinis *qualitas*, in qualitatibus puta primis, secundis & tertiis. Quo sanguis est calidior, eo magis ad rarefactionem procliuius, quo magis rarefit, eo maius occupat & affectat spatium, & sic fit facilis

ἀνασφύμωσις, ampliantur tubuli & capillamenta, ut & pulsatio inde maior & pressio fiat

Ita sanguis biliosus huius est commatis in genere, præpituitoso. In secundis, quo rarior, tenuior, fluxilior est sanguis, eo facilius distendit vasa & parietes, ac exitum affectat. Idem valet & de tertiis, quo acrior, salior, eo magis findit tunicas, poros, parietes, accedentibus inprimis cum alcalicis volatilibus & sulphureis particulis; quæ omnia ad reliqua quoque causarum genera paratissimam sternunt viam.

Atque sic ex quantitatis & qualitatum posita indispositione, consequitur & *motus*, isque geminus, sanguinis ad hæmorrhagiam disponentis, intestinus & localis. Enimvero fermentificus *intestinalis* salium alcalicorum & acidorum biliosorum, adeoque sulphuris sanguinis rarefactionem causans, aptissimus est ad diruenda hæc claustra etiam in naribus. Vno verbo ὀργασμὸς inductus, coerceri nescius, unde non raro ἀδρῆως καὶ βίαιως, *confertim & cum impetu* id peragitur, quantitate modo discreta, modo continua conspicuo profluvio.

Localis & definitus redditur per πνευματισμὸν, affluxu ad effluxum virgente, plus affluente e circulo arterioso sanguine, quam per venas reuehi proportionate queat. Aliquando & successiue facta congestione per συναδρῆσιν, poris magis dilatatis idem fit, vndecunque promotis vtrisque, calore, dolore, aliisque.

Pondus addit alterius subiecti consideratio, quod causæ etiam locum subit suo sensu, quatenus debilitas suscipientium & continentium narium, membranæ obtensæ, parietum, vasculorum dimittentium, & per se sanguinem ceteroqui minus exitum affectantem, ad illum inuitat tamen. Mechanicam huius rei subministrat non tantum carduus spha-

sphærocephalus, *Davidi Lipsio* eo nomine laudatus, sed & millesolii hastulata foliola, affricu suo sanguinem ad hæmorrhagiam titillantia, cum fibrillarum membranearum reseratione.

Duplex hæc est dispositio receptivitatis, seu hospitii sanguinarii, *natiua*, & vndecunque *acquisita*. Vtrobique elateris nomen satisfacit, &, vt antiquos terminos, non ineptos illos applicemus, priori casu expultricis facultatis, posteriori retentricis reatus magis locum obtinet, vtriusque sano sensu ad mechanicam applicabilis. Facit huc ipsa consuetudo: post enim, quam semel iterumque huc exitum fortitus est sanguis, facile eandem viam repetit, etiam leui occasione suppeditata.

Quod si enim hinc ad CAUSAS MEDIATAS REMOTIORES progrediamur, omnia huc spectant, quæ alterutro modo vel sanguini stimulum & pondus pressionis onerosæ addunt, vel vascula & parietes laxare, findere, aperire, erodere per se, vel per accidens, directe, indirecte, etiam dispositiue saltim, queunt.

Sic ex NATVRALIBVS huc facit ÆTAS. Rarius quidem infantilis hæmorrhagiam narium patitur, neque tamen exempta est, sed visi etiam quinque, sex annorum idem aliquando passi; magis vero pueris & adolescentibus, *elogio 3. aphor. 27. ἐκ πινῶν αἵματι πύονες*, ex naribus sanguinis fluxiones fiunt, circa annos pubertatis & vltra, quando in venerem prurire aut hircire occipiunt, iuxta *Coum l. 6. epid. f. 3. t. 42. inprimis*, qui ad gibbositatem sunt dispositi, ob angustiam viarum minori concessa ad circulandum sanguinem spatio.

Ex TEMPERAMENTIS dispositio non minor oritur, cuius intuitu occurrit locus egregius *Hippocratis l. c. l. 6. epid. f. 3. t. 38. αἱμορραγία*, inquit, ἐκ πινῶν, sanguinis e naribus eruptio aut suppalide nigricantibus, aut rubicunde pallentibus, aut sub-

pallidis. In quem locum doctissime *Martianus p. m. 277.* notat eorum, qui sanguinis fluxioni e naribus subiecti sunt, triplicem h. l. fieri differentiam: (1) *ὑποχλωρομέλειον*, colore nigro, cum quodam leui pallore suffusis, lienosis, etiam sua experientia, ob sanguinem melancholicum, ob serositatem & tenuitatem ipsi immixtam; (2) *ἑρυθροχλώρειον*, qui sanguine bilioso abundant, tenui & leui, unde narium venas aperiendo fluxum sanguinis ex quacunque occasione, vel sponte quoque, incidunt; (3) *ὑποχλώρειον*, amara bile abundantibus, quæ sicut cum sanguinis penuria *χλωρὸς* facit, ita cum sanguinis abundantia subpallidos: ubi etiam, cur rubicundos non addiderit *Cous*, rationem addit.

Quoad SEXVM, foeminis rariores longe sunt hæmorrhagiæ, quam viris, tum ob temperiem remissiorem, tum quia alia via commodiori, & per naturam quidem, consimilis fiat euacuatio, si quidem salua hæc sit & integra. Tacemus DISPOSITIONEM HEREDITARIAM, & *ἰδιοσυγκρασίαν* quorundam, partim in genere, partim ad certi obiecti occursum illam sentientium, quo de passim exempla leguntur.

Ex CAUSIS NONNATURALIBVS multum confert AER, perpetuo naribus occursans, adeoque iis alterandis maxime pol- lens. Præstat hoc diuerso respectu & calidus, *s. apb. 10.* rarefaciens sanguinem, eiusque globulos dilatans, & ad motum citans magis; & frigidus tum aer, tum alia, *s. apb. 24.* concentrando, findendoque. Visuntur hinc dispositi ad hæmorrhagias narium & hyemali tempore, & verno, quo, noua quasi fermentatione sanguini inducta, humoris motus nouatur, ac æstiuo fluxiones hæc etiam ex naribus pati, *3. apb. 20.* concurrente inprimis humida australi tempestate.

Idem valet de CIBO & POTV, aliisque assumptis, quæ causis laudatis velificantur, vt salsa, acria, aromatica, piperata

rata largius assumpta. Hinc hæmorrhagias tales experiuntur, qui generosis vinis eiusque spiritu, ac potulentiis aromatizatis, dulcibus, facile fermentescibilibus, v. g. musto, mulsa & aliis plus iusto delectantur; quale exemplum, a musti & vini Hispanici ingurgitatione, *Forestus lib. 13. obs. 12.* annotavit. Inde & a nimio sanguinis impetu orto ex diutino potus spirituosus (spiritus vini) usu sæpe exoriri hæmorrhagiam frequentem, dum vasa nimis vrgentur, vt aut rumpantur, aut pori eorum nimis sint aperti, vt sanguis eat extra vasa, notavit *Craanen Tr. de hom. c. 72. p. 474.*

Idem & de medicamentis valet spirituosis, sulphure ac fale volatili oleoso foetis, crebro ac in nimia dosi assumptis; quale quid de fale volatili oleoso Syluii, intemperatius a quodam assumpto, in *Actis Hassniens. D. Iacobæus Parte 1. obs. 213. p. 208. 209.* recenset.

Tacemus ab antiquis quibusdam memoratum, dari & plantas hæmogogas, quæ sanguinem vndique ex corpore diffundant, vt foras profugus abeat in exilium, cum internectione. Autorem laudamus geminum, *Theophrastum Eresium*, qui brevius, & *Pergamenum*, qui fusius paulo id refert.

Multum etiam huc confert MOTVS CORPORIS nimius, præsertim in constitutionibus sanguineo-cholericis; dum nempe sanguini concitatiolem motum conciliat, sicque ad violentam e suis claustris eruptionem disponit. Huc ergo spectant vociferatio, tussis, lapsus, cursus, equitatio succussatoria, & reliqua.

Symbolum etiam suum addunt ANIMI PATHEMATA, vt ira, gaudium excedens, Venus immodica. Ab his enim spiritus & sanguis consequenter in motum concitantur rapidissimum, non solum in vasis sanguiferis, sed in omnibus fere corporis partibus, quas sanguis alluit, æstus & turgescencia insignis observatur. Adeoque sanguis ferociens, liberius spa-

tium pro motu requirens, ast non inueniens, alueolos suos vi perumpit, ut non sine impetu interdum profiliat. Exemplum tale hæmorrhagiæ narium a venere immodica, de ruricula quodam bene poto, recenset *Hagendornius in Tr. phys. med. de catechu p. 69.*

CAUSÆ ETIAM PRÆTERNATURALES omnis generis fœcundo prouentu producant hæmorrhagiam narium. Sic *morbū intemperiei* calidæ toto die eam inuitant, cum primis febres, non solum criticam, sed & symptomaticam, intermittentes, ardentes continuæ, comitatæ, inflammatoriæ, variolæ, morbilli, phrenitides, & reliquæ, ob rarefactionem sanguinis, & ad has partes rariores exundantem.

Idem de *morbis conformationis* dictum esto, in quorum censu præcipuæ sunt obstructions viscerum, hepatis, lienis, mesenterii, vteri ipsius; ibi enim circulatione sanguinis debita impedita & moram nacta, aliorsum, & sic ad nares quoque exprompte redundat idem, & exitum affectat. Testantur id hydropici ipsi non raro, & rectissime scribit *Fernelius*, eos e naribus sanguinis fluxum pati, quibus viscera sunt imbecillia, & iecur maxime, id quod hydropicis accidit. Affirmat hoc & *Heurnius l. 3. apbor. Comment. 20.* dum inquit: Quibus facies colore viridi suffusa est, hepate laborant, & signum est, iam iam adfuturi hydropis, frequens est in his cruoris per nares effusio, ubi & plura habet.

Tacemus, mensium obstructions & per hanc viam expediri non raro. Quod & de hæmorrhoidibus ipsis valet, ne de venæsectione vel scarificatione intermissa dicamus; nec, gibbosis familiarem esse in annis incrementi hæmorrhagiam, repetamus.

Sed quis nescit, frequentissime omnium hæmorrhagiam narium prouocare contusiones, capitis & faciei, casus, lapsus, & læsiones alias omnis generis, vas sic disruptis, fissis,

sis, conquassatis? Idque non solum in præsens, sed & aliquando in futurum, laxatis plus iusto fibris, facile iterum ad fluxum vocatis novum.

Nec minus de symptomatibus variis idem verum est. Ita dolores capitis, quandoque & alii, exoluuntur in hæmorrhagiam narium. Ita tussis solenniter etiam ob concussionem maiorem pectoris, & inflationem faciei, hæmorrhagiæ autor est. Quin & sternutatio ipsa sanguini exitum hunc apparat & prouocat.

CAPVT IV.

De

Differentiis & Signis.

SEorsim & DIFFERENTIÆ lustrandæ hæmorrhagiæ huius. Vti vero loco generis considerata latissime patet, ita & specialis hæc narium non caret discrimine communi & speciali.

Ratione GENERIS, alia est recens, alia antiqua; alia parca, alia media, alia copiosa & larga; alia producta, alia periodica. Ratione SVBIECTI, alia est essentialis, & primaria, alia per consensum, & sympathica.

Ratione CAUSARVM, alia fit a causa externa, alia ab interna: alia fit ab oppressione coactiva, alia a resolutione, velut *ναυσίωσις* profugo sanguine, alia ab excretionem.

Signis in GENERE vix eget hæmorrhagia narium, siue symptoma spectes, seu locum affectum; siquidem ut sponte profluit sanguis, ita & in sensus incurrit, profluens ad extra ordinarie, aliquando etiam, facta cum primis obturatione narium, ad os & fauces regurgitans.

Stillat modo paulatim, & pedetentim, modo maiori
cum

cum impetu, quandoque & grumosus fit, in via coiens, si longius duret, & sic quoque exitum sibi aliquando præpediens, facto sic obice.

Signa CAYSARVM desumuntur ex temperamento, habitu corporis, excretis, aeris constitutione, tempore anni, præcedente victu, assumptis, motu, euacuationibus solennibus suppressis, animi pathematibus.

Signa plethoræ, vel cacochymix, e suis fontibus etiam huc referenda, vt & febrium, aliorumque morborum prægressorum, vel comitantium. Critica ex *ἐνφορία*, leuamine, & morbi cessatione, & larga seu sufficienti saltem effusione, symptomatica e statu contrario patet.

Instantem & futuram hæmorrhagiam præsagiunt: facies subtumida, rubida, capitis dolor grauatiùs, pulsatio vehemens arteriarum circa collum & tempora, faciei & oculorum rubor, narium siccitas & pruritus, seu titillatio, nonnunquam & lachrymarum inuoluntaria effusio.

Inter signa PROGNOSTICA ratione EVENTVS, terminatur modo ad salutem, modo certis casibus ad mortem. Bona est critica, laudata, & ad salutem fit, a posteriori tamen magis æstimanda, in febribus continuis, per *ἐκκρίσιν* fiens, ro-bore naturæ. Mala symptomatica, inprimis per resolutionem, prostratis viribus, profugo omni sanguine, nisi possit ad frugem redigi; quod in febribus malignis factum est visum. Media est per oppressionem.

Sic & periculosiores vt plurimum sunt narium hæmorrhagiæ, quæ cum impetu, & sine vlllo intermissionis termino, quam quæ leni effluxu & per vices contingunt. Periculosissimum quoque est malum, si profluuium narium cum aliis hæmorrhagiis coniungatur, notans naturæ coactum statum, & resolutionem quasi totalem, lethiferam facile futuram. Talis vniuersalis hæmorrhagia obseruata legi potest

Ephemer. German. Dec. 2. Ann. 2. obs. 140. in viro quodam primario nouem & sexaginta annos nato, ictero diuturno & nigro tandem laborante, qui per os, per nares, per vrinam, per aluum, nil nisi sanguinem excreuit, funesto euentu.

Ratione *causarum*, ceteris paribus, quæ per *Ἀγμίδησιν* fit, magis curabilis & minus est periculosa, medio modo quasi se habet, quæ per *ἀναστόμωσιν* contingit; magis interdum periculosa, quæ per *Ἀλγίσσιν* fit, & difficilius curationem suscipit, si fiat ex sanguinis acrimonia, & erosione vasorum inaccessa, qualem & in sinu cerebri quidam concedunt.

Ratione *causarum* remotiorum, variat prædictio. Ita bona est, elogio *5. apbor. 33.* vicaria in suppressione mensium, modo non excedat, adeoque saltem respectiue. Soluit eadem dolorem capitis, ablata causa continente, *6. apb. 10.* non minus ac surditatem, *4. apb. 60.* ipsosque abscessus, vel decubitum saltem in articulis imminuentem, *4. apb. 74.* vt loca plura ex *diuino sene* in hunc finem non addamus.

Symptomata item superuenientia de affectus exitu testantur. Sic in genere malum periculosius est, quo vires magis labascunt. Hinc & lipothymia, cessatio pulsus articularum, facies Hippocratica, seu faciei antea viuida in pallidum, plumbeum, luridum, cadauerosum colorem, mutatio, frigiditas extremorum, sensuum hebetudo, maxime periculosum denunciant euentum.

Ratione *subiectorum*, magis lædere potest pueros & senes, quam iuuenes, quibus magis hic affectus quasi proprius existit. Non tam aduersa etiam est biliosis seu sanguineo-cholericis, quam phlegmaticis & melancholicis. Hi enim magis profusione sanguinis refrigerantur & debilitantur, vnde *8. apb. 3.* in quartana mala pronuntiatur. Minus ter

rerī conuenit etiam effato *Celsi*, si plus ex muliebri corpore sanguinis profluit.

TEMPVS EVENTVS etiam ab iisdem fundamentis fere fouetur & modificatur. Sane apud autores hinc indēmiræ hæmorrhagiæ exempla recensentur varia, seu quantitatem continuam spectes, seu discretam, vt per dies & noctes durauerit, imo longius, vt ad plures libras X. XX. & ultra effluxerit sanguis, de quibus *Schenckius in obseru.* & *Moronus in Directorio* plures notarunt obseruationes, aliique. Variant enim hæc pro causarum fouentium & subiectorum modulo.

MODVS EVENTVS ad *salutem* fit robore firmato parierum, & in viam regiam reducto sanguine, sublatis causis & remoris; ad *mortem* vel in præsens, vel in futurum. Illud fit, resolutione virium, depauperato vitali nectare, spiritibus exhaustis, frigore extremorum continuante, ἐφιδρώσι, lipothymia, syncope. Visæ sunt etiam post mortem stillasse nares sanguinem. Hoc oriunda inde cachexia, vel hydrope ipso, a producta scilicet longius. Quibusdam etiam conuulsio successit, quod elogio 7. apb. 9. malum est, non minus ac desipientia. Notabilis est obseruatio *Brassauoli, comment. in b. l.* Quendam vidimus, *ait*, qui ob defluxum sanguinis narium obiit; hic antequam obierit, ad insensibilitatem quandam fere & corporis stuporem deuenerat, nullaue medicamentorum ope iuuari potuit; vbi & plura habet.

CAPVT V.

De

Curatione.



VRATIO, ex legibus METHODI MEDENDI, cordi habenda, & pro renata, vel suspendenda, vel maturanda,

da, prout ex prænotionibus & præcognitis vtramque variant indicationes.

Enimvero vas apertum proportionatim obturandum, ad modulum mechanicæ extrauafationis aliorum fluidorum, quocunque modo id patientium. Vna quoque sanguis ipse deplendus, alterandus, refrenandus, coagulandus, figendus, diuerso respectu, prout directe vel indirecte concurrit, agitue & patitur, in circulum suum asserendus. Vrgens denique excursio sistenda omni modo possibili & licito, vt thesaurus vitæ conseruetur, nec temere profundatur, cum ipsa purpura vitalis robur omne largiatur, spiritibus impetu dempro ligatis & placatis. His, tanquam canon & cynosura agendorum, præmissis, visenda sunt præsidia medica, secundum suos ordines & loculos consuetos, ab artifice depromenta cum selectu.

Sic optimum & necessarium sæpe est heroicum illud remedium VENÆSECTIO, non vnis casibus, seu deplendi, seu reuellendi, seu deriuandi, & vna alterandi scopo. Supposito enim, non tam criticam esse euacuationem, quæ omnino etiam sufficiens esse debet, nullum enim paucum criticum; vel minoris momenti, quo vtroque casu non temere vnquam vena tundenda est; quam vel hypercriticam & excessiuam, saltim a posteriori, vel in motu & actione sua superfluam, & a copia sanguinis oriundam, necessum est, hoc pacto refrenare.

Itaque si nimia sit, & vltra sphæram virium, saltim in futurum, præstat in viam reuocare archeum, & auferre commodiori loco tantillum, quam linquere sibi eundem minus bene agentem. Hoc sane moderamen optimum est, etiam in hæmorrhagia narium, plethoræ præcipue intuitu.

Locus assignari potest κατ' ἔξιν, e directo, ex oppposito,

& maxime omnium in pedibus, ad remotiora sic auocando & dirigendo effluxu. Frustra enim fere omnis eo casu est adstrictio, nisi depletio fuerit præmissa; vnico heroico remedio hoc pari futuro. Sin consentiat ætas, temperamentum, habitus corporis, sanguinis dimissio ordinaria suppressa, longe rectius eadem adhiberi potest & debet.

Vicariam venæsectionis operam præstant CUCURBITULÆ, & scarificatæ, & sine scarificatione nonnunquam. Illæ communi deplendi intentione, & euacuandi; hæ reuellendi & diuertendi scopo magis, modo singula fiant prudenter & prouide.

Solent & HIRVDINES commendari a quibusdam, sed magis tamen certis casibus, apud nos vero minus vñtatæ, vt hæmorrhoidibus suppressis; alioqui enim vix sufficienter euacuant, quod tamen ad sanguinis copiam imminuendam requiritur.

A quampluribus commendari solent & CUCURBITULÆ non scarificatæ, diuertendi & reuellendi scopo. Applicari solent hæ locis non vnis. Ita *nucula* appposita ventosa laudatur tanquam experta in *Ephem. Germ. Dec. 1. ann. 6. obs. 90.* Ab aliis *hypochondriis*, dextro vel sinistro, imo *umbilico* ipsi, ne de scapulis & dorso dicamus. Exemplum felicitis successus, de cucurbitulis *pedibus* applicatis, habet *Forestus l. 13. obs. 14.*

Commune vero & cum reliquis præsidiis opponi potest & solet argumentum, minus tuto idem æque fieri, quo de vid. *Musitanus chirurgia theoretico-practica cap. 33. p. 150.* de *hypochondriis* quidem; vt aliis etiam circa *mammæ* idem notatum est, ne inflammatio succedat periculi plena. Id vero præcaueri potest, si non affixæ relinquantur promiscue, & longius, sed subinde trahantur & retrahantur, in circulum suum reuocando sanguinem & vna diuertendo. De
abusu

abusu enim hoc indeque oriunda noxa vid. *Hildanus cent. 2. obs. 47. & Musitanus l. c.*

Nec LIGATYRIS sua laus deneganda est, earumque speciei quasi, compressioni. Sic comprimi vtiliter potest frons ipsa, quo de in topicis, vt & basis superior nasi, sub frontis centro, paries intergerinus seu septum transuersum nasi, etiam digitis, pollice & indice. Ligaturæ item digitorum extremorum, manus alterutrius, brachiorum & pedum, non solum ad sensum quendam tristem moderatum inferendum, sed & ad remorandum impetum citatiorem sanguinis. Vtut vero non semper expectationi satisfaciant in grauiori malo; habent tamen pro re nata & illa suum locum, ne quid neglexisse videamur.

EX FONTE PHARMACEVTICO, non minus generosa affectui huic condebita depromi possunt remedia, sufficientissime indicationibus satisfacientia, quæ tamen dogmatico modo liceat secundum loculos receptos dirimere.

Faciunt huc LENIENTIA, & EVACVANTIA quoque ipsa. Cum enim in naribus duplex sit reuulsio, elogio *Galen*i, altera ad partes inferiores totius corporis, altera ad posteriora capitis, dantur omnino casus, vbi purgantia & leniora, & mediocria indicantur, & necessaria sunt omnino. Sic id valet maxime in obstructionibus, mensium, hæmorrhoidum, mesenterii, cachexia, hydrope & similibus, quando ex hoc capite ad nares affectat exitum sanguis. Idem de febribus valet, intermittentibus, & continuis suo modo ipsis, aluo adstricta.

Talia sunt *sennata, rhabarbarina, aloetica* aliquando ipsa, & *tamarindinata, pilule tartarea*, & similia. Confirmat idem *Valetius exerc. 22. in l. 1. Holler. de morbis intern.* vbi, post sanguinis fluxum, ait, optime repressum, vtilis erit purgatio,

tio, cum tollenda sit hæmorrhagiæ causa, ut plurimum biliosus, acer & mordax humor, extra paroxysmum videlicet.

Ex DIAPHORETICORVM classe in variolis & morbillis, febribus catarrhalibus, & aliis, ubi hæmorrhagia præsto est cum tussi, consulto eligenda sunt temperatiora & media. Enimvero, si a centro ad circumferentiam æquabilis directio sanguinis promota fuerit, partim præcauebitur, partim curabitur hæmorrhagia narium. Et sane vel hoc nomine maxime ex usu hæc sunt, quod circulum sanguinis in ordinem redigant, doloresque, si qui adsint, dispellant, uti *mixtura simplex, myrrhata, crocus ipse*, ut in *sperniola Crollii* quoque, *antimonium martiale cacbecticum, diascordium Fracastorii*, ne opiata huc arcessamus alia, sunt egregia remedia.

Ex DIVRETICIS itidem laudari merentur, tum alia non pauca, quæ sub alterantium classe laudabimus; tum aperientia itidem & resoluentia, *tinctura tartari, oculi cancrorum, radices aperientes, pulveres cacbectici, sem. q. frig. mai. & min. tinctura aperitiua Mæbii, Zwelferi, arcanum tartari*, & reliqua, ad dictos scopos selecta.

SPECIFICA sunt adstringentia, roborantia & alterantia, illa elateri & fibrillis laxioribus, hæc sanguini magis debita fluidiori, rarefacto, *ὀξυαρωδέι*, acriori, & sic porro; quædam etiam utroque modo iuuantia. Ita magnarum virium sunt acida, tam ex regno vegetabili desumpta, ut *succus granatorum acidus, citri, berberum, acetum ipsum simplex & varie destillatum*, instar omnium; quam minerali, v. g. *spiritus salis, sulphuris, vitrioli, clyffus antimonii sulphuratus*, atque eum his paratæ *tinctura fl. papav. errat. rosar. violar. bellid. borag.* in scorbuto inprimis calido, quo de vid. *Ephem. Germ. Dec. I. Ann. III.*

Hæc sulphur sanguinis euectum & nimis rarefactum
obtun-

obrundunt, & sal volatile eius figunt, non minus ac *nitrosa* per se, & cum variis adstringentibus maritata, præstantissima narium hæmorrhagiæ remedia: vt *nitrum purif. antimoni-
niat.* seu *anodynum* dictum, *lapis prunelle*, & *arcan. duplica-
tum*, vel *triplicatum*.

Vehiculum his præstant aptissimum, & ipsa per se quo-
que satis commoda, *aquea*, præsertim in febribus, vt *de-
coctum bordei* cum *succo citri acidulatum*; potiones ex aquis
appropriatis, vt *plantag. portulac. sedi mai. acetos. acetosell.
endiu. papauer. rboead. millefol. agrimon.* aliisque, additis *co-
rall. rubr. ppt. dent. bippopot. aceto destillato*, & *extract. ano-
dyn.* ad gr. j. *sirup. papau. simpl.* vel e *rosis siccis* parum, ad
gratiam. Imo, verbis *Pergameni*, hac ratione aqua frigida
sæpe bibita, compescuit hæmorrhagiam.

Huic scopo etiam velificantur *emulsiones*, v. g. ex *sem.
4. frig. mai. excort. papau. alb. & aquis destillatis* appropria-
tis, additis *corall. alb. ppt. ebor. sign. ppt. & extracti anodini
tantill.* cum *sirupo* quodam appropriato.

Inter astringentia vero hæc seorsim memoranda in ge-
nere *ἰχθυα*, vt in specie *ἰχθυον Theophrasti*, & *berba sangui-
nalis Celsi* celebratur apud vtrosque, eadem forsan cum illo,
seu *polygonum*, vbi & plura alia communia ex astringentibus
huc pertinent, vt *fructus rboes* rubræ coriariæ, *Coo* iam me-
moratæ, & ex ipsis foliis pulvis grossior, apud myropolas ve-
nalis, *equisetum*, item *plantago* & alia, huc arcessenda aliun-
de; *lapis hematites*, *corallia alba & rubra*, *bolus armena*, *sang-
uis draconis*. Ex compositis & præparatis *martialia*, vtro-
que casui, & adstringendi & aperiendi quadrantia, *limatu-
ra ipsa fina*, *crocus martis saccharinus*, *aperitiuus*, ex *vitriolo
eiusdem*, *adstringens*, *pulvis stypticus variorum*, *C. C. vstum ppt.*
& alia ex penu illo seligenda.

Ex liquidis *Tinctura martis liquida, Zwelferi, cydoniata, pomata, tartarea, belleborata, vitriolata: Tinctura coralliorum, martis adstringens, sulphuris vitrioli, antiphtisica, communiter dicta, lap. hamatit. terra iaponica, eff. teriacal. traumatica, anodyna* aliaque. Enimuero colophonem addunt *opiata*, & singula, quoque suo ordine & modulo varie mixta & composita; tum per se & ordinaria dosi, urgente usu, optime enim se gerunt, si nihil contra indicet; tum mixta cum aliis, ut inde completum sortiantur effectum, & spiritibus, & humoribus frenum ponentia, & parietes ipsos laxos roborantia vna.

Cautela tamen & distinctione opus est. Nisi enim *ὑπερμαρμὸς* sanguinis nimius fuerit compositus, & reliqua præmissa datis adstringentibus & cohibentibus intempestive, visus est sanguinis fluxus in naribus coercitus alibi, & vel in ipsis oculis aliquando quæsisse exitum, frustranea & inutili opera.

Quod TOPICA, seu medicamenta externa, attinet, de iis optime scripsit *Galenus l. 5. M. M. c. 6.* Post enim, quam dixisset, extrinsecus applicanda & adstringentia & sine adstrictione refrigerantia, hæc non simpliciter laudari a se addit, neque indefinite, neque quouis tempore, sed post reuulsionem, v. g. in naribus, uti venæsectione, aut frictione, aut deligatione artuum, aut cucurbitulis ad hypochondria. Sed ne sic quidem statim uti oportere refrigerantibus in fronte & capite, sed cucurbitula primum reuellere in occipite. Secus enim si fiat, quosdam, qui ex naribus sanguinem fundebant, aperte læsos esse, refrigerato capite.

Externa igitur remedia variis modis officium suum faciunt. Sic conglutinando ipse sanguis, isque proprius, in exitu concreescens sibi ipsi obicem ponit; aut exsiccatus, & ad

ad imitationem *Ioelis in Praxi p. 229.* applicatus sanguinem sistere creditur.

Huius etiam loci sunt, quæ per contactum frigidum virtutem suam exerunt. Sic aqua frigidissima fontana in nares attracta id præstat, modo id circumspicte, & vbi id licet, tuto fiat; item aquæ destillatæ refrigerantes variæ, vt, *scdi mai. f. & compos. acetos. acetosell. portul. &c.*

Eximie virtutis remedium, pro narium hæmorrhagia sistenda, celebratur spiritus vini in nares attractus ab *Excell. D. Bohio in act. Erud. Lips. A. 1683. mens. April.*

Huc pertinet etiam *hematites*, in vtraque manu, vel sub axillis detentus. *Buso* quoque exsiccatus, & sub axillis applicatus, vt & officula eorundem & pulvis ipse, tanquam certum experimentum in narium hæmorrhagia prædicatur.

Mentham etiam contusam, & naribus intrusam, tanquam expertum remedium extollit *Riuerius in Pr. p. m. 396.* Pariter *vsnea cranii humani*, naribus immissa, admodum proficua existit, non minus ac interius propinata. Vid. *Ephem. Germ. Dec. I. Ann. 2. obs. 53. p. 102. f.* quod & de musco alio non vno verum est. Idem dictum esto de decocto adstringente naribus iniecto, *l. c. obs. 224. p. 325.* Sicut & pulueres adstringentes ex creta, cort. granat. rad. torment. gall. bolo armena, terra sigill. lapon. varie adhibiti, ipsaque caudula leporina indita commendantur.

Exsiccando & terrendo succurrit ferrum ignitum, ex improviso naribus subditum, vt sanguis exiens in illud stillet. Non minus utilia sunt, quæ imbibendo effectum suum edunt, vt fungus puluerulentus, *crepitus lupi* dictus, qui vel per se naribus, vel cum aliis turundis compositis, applicari potest.

A quampluribus commendatur inter topica etiam *stercus suillum & asininum*, recens naribus ad odorandum appositum.

itum. Vtut vero videri queat, fieri hoc, quod præstat, ob auersionem archei, vnde & refugiant spiritus, & cum iis sanguis concentratur; laudari tamen rectius queunt particulae eius austeræ vaporosæ, corrugante virtute præditæ.

Hinc enim, præter recentem vsum, etiam pulvis stercoreis asinini, cum succo vrticæ inprimis præparatus, & in nares inditus, experimenti probati instar laudatur a *Roderico a Castro l. 1. de morb. mul. c. 5.* quod auunculus eius septuagenarius, quatuor Regum Lusitanicorum medicus cubicularius, secum gestauerit, non simile aliud inuenisse professus. Confirmat idem diuinus *Senex*, qui dudum iam hoc nouit, *l. de superfoet. c. 21. t. 1.*

Ex compositis siccis famosissimus est *pulvis sympatheticus*, ex vitriolo Cyprio depurato & in sole calcinato, cum subdecupla, vel, secundum alios, anatica additione gummi tragacanthæ paratus, ad narium profluuium sistendum, tali adhibendi modo, vt vel sanguis exiens stillet super puluerem illum, vel in illius solutionem lintea cruore madida, rursusque exsiccata intingantur. Eundem effectum cum illo habet *caput mortuum vitrioli*. Inprimis vero & pulvis ex *alumine* crudo, cum *lacca* globulata pictorum tinctus, ad incarnatum colorem, in nares insufflatus. Vid. *Ephem. Germ. Dec. 1. Ann. 1. obs. 23.* ne plura ex iisdem passim notata laudemus.

Laudem etiam meretur *liquor stypticus Weberi*, ex alumine & vitriolo, cum aqua simplici per coctionem paratus, in nares attractus, cum quo etiam, addito spiritu vini camphorato, anacollemata fieri possunt, quibus collum, frons & testes imbuantur. Hisce etiam materiam præbent *aceta* varii generis, vt *rosaceum*, *rutaceum*, & *oxycratum* ipsum hisce scopis inseruit.

Notabile vero hic est, quæcunque ex hisce immediate loco affecto applicari iubentur, sed acrimonia rosua pollent,
vel

vel stimulantē, non promiscue habere locum, ne corrosiōnem, si quæ adsit, augeant, vel exstimulent quoque alias, ipsamue sternutationem excitent.

De topicis ischæmis bregmati potius imponendis egregium habet locum *Rhodius cent. 1. obs. 90.* vbi refert *Pompeium Caimum* vidisse iuueni sex & viginti annorum vnus & dimidii diei spatio sanguinis octodecim libras e naribus fluxisse; monuitque remedia externa fronti neutiquam, sed coronali futuræ applicanda, quandoquidem sanguis e venis iugularibus sub eam futuram excurrentibus erumpit, vbi & plura habet.

Confirmat idem *Simon Pauli in Quadripart. botan. p. 508.* vbi scribit, amyllum mixtum cum *bolo armena*, ac oui *albumine* exceptum, inductum stuppæ lini carminati, tantæ longitudinis, vt ultra coronalem ad glabellam nasi radices pertingat, si applicetur vertici secundum ductum futuræ sagittalis, cui subiacet falx duræ meningis, enormes hæmorrhagias aliquando inhibuisse. Confer. *Brassauolus l. 5. aph. com. 23.* qui *gypso* loco boli armenæ fuit vsus.

Alias etiam capiti & plantis pedum adhibita topica laudantur, illi muscus terrestris clauatus; vid. *Ephem. Germ. dec. 1. Ann. 2. obs. 52. p. 96.* huic *bursa pastoris*, *urtica* recens contusa, & alia: ne repetamus sub axillis posita laudata.

De dentibus hippopotami non pauci asserunt, comper- tum esse illos, & ex iisdem parata appensa ac admota, sanguinis profluvia posse sistere. Cum vero non semper respondeat effectus, causam in certum aliquod tempus occiden- di animal, (quod tamen non est in arbitrio positum, vt in domesticis,) obseruandum credunt. Vti vero innoxium, & ad internum quoque vsum vsitatissimum est medicamen- tum, ita & illud adhiberi consulto potest. Plura de hoc

36 DISSERT. INAUGVR. MEDICA DE HÆMORRHAGIA NARIVM.
relata in vtramque partem videri possint in *Mich. Boymii Flora
Sinica Lit. M.*

Tacemus sistendi etiam hanc hæmorrhagiam modos superstitiosos & quasi tales. Ita certis verbis sine superstitione prolatis hæmorrhagiam narium compressam vidit *Tb. Barthol. Cent. 5. hist. 97.* vbi & egregia alia habet experimenta.

IN DIÆTA VITALI vitandus est AER calidior, & eligendus paulo frigidior, seu temperatus potius.

IN NATVRALI quoad POTVM, vitandum est vinum, & spirituosum vinosa; non temere imitandus in hoc est *Duretus*, qui, in *notis ad enarrationem de Hæmorrhagia* apud *Hollerium*, scribit, monacho cuidam, sanguinis nimio profluvio laboranti, vsum vini meracioris mirifice profuisse. Eligendi sunt CIBI humectantes & refrigerantes. Absint omnia aromatica, sanguinem nimis rarefacientia.

IN ANIMALI, SOMNVS & QVIES maxime conducunt, quia humectant, & sanguinis ὀργασμῶν sedando conveniunt. EXCRETORVM & RETENTORVM aliorum illa habenda ratio est, ne, ex alio quodam capite, ad partem affectam redundet noxa.

ANIMI PATHEMATA immoderata cane peius & angue fugienda sunt, illa scilicet, quæ sanguinem & spiritus a centro ad circumferentiam euocant, vt ira cumprimis. TERROR vero contra ea, & huius ratione aspersa aqua frigida, tantum abest, vt noceat, vt potius eximie proffit.

BALNEA & Venerea exercitia, aliaque nocere visa, exulare quoque debent, vti &, si ab ἰδιοσυνηγορία quædam citare hæmorrhagiam visa observata, quale exemplum habet *Rhodius l. c.* de vitandæ sunt illæ occasiones.

SOLI DEO GLORIA.